



Broj: 01-169/22
Vareš, 28.07.2022. godine

Z A P I S N I K
sa 17. sjednice Općinskog vijeća Vareš,
održane 30.06. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibršimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 17. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Čedpmir Jelić, rukovodilac JURA – gosp. Rusmir Berberović, direktor JUDom zdravlja Vareš – gosp. Fikret Operta, direktorica JU Centar za socijalni rad Vareš – gosp. Nihada Gondžo, direktorica JPU Dječije obdanište Vareš – Enisa Musa Cernica, direktorica JU Opća biblioteka Vareš – gosp. Ilijana Gavran Radojević i predstavnici medija.

Sekretar OV Leon Pavlović izvijestio je Vijeće da je na 16. sjednici OV održano 30.05.2022. godine, Vijeće donijelo dva (2) Zaključka, jedan (1) Zaključak je realizovan, jedan (1) Zaključak je u toku realizacije. Postavljena su četiri (4) vijećnička pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima izvijestio je Vijeće da je u toku prošlog mjeseca bilo dosta aktivnosti ureda Načelnika zajedno sa saradnicima zbog ulaska političkog i poslovnog svijeta u Općinu Vareš po raznim projektima, pitanjima i informacijama.

(Izjašnjavanje vijećnika o dobivenom odgovoru)

Vijećnica Amela Brkić podsjetila je na svoje pitanje u vezi sanacije dječijeg igrališta/parka i zamolila da se u što skorijem roku uradi bar djelomična sanacija igrališta jer je u jako lošem stanju.

Vijećnik Dario Dodik podsjetio je na svoju Inicijativu i traži da se do sljedeće sjednice OV uradi projekat za izgradnju parkinga u malom parku. Zamolio je da se sanira rupa na prilazu velikom parkingu.

(Vijećnička pitanja)

Dario Dodik

1. Pitanje postavljam Lovačkom društvu „Zvijezda“ Vareš. Građani se pitaju zašto su se počela postavljati obavještenja u vidu „LOV U TOKU“ na dosta privatnih parcela, kuća i ne uklone se izgleda kad se završi lov? (dato je pojašnjenje)
2. Tražim da se uputi dopis Kantonalnoj direkciji za ceste, pošto kažu da njima nije stigao nikakav dopis, da se postave dva usporivača brzine (ležeći policajac), moj prijedlog je autobuska stanica u Vareš Majdanu i drugi u Varešu pored mosta na pijaci. Najprikladniji oblik je uzdignuti pješački prijelaz, najmanje uništava vozila a opet i vozači vide da se radi o opasnosti na putu, usporit će. (dato je pojašnjenje)

Igor Hinger

3. Interesuje me odgovor na pitanje koje sam postavio prije od prilike godinu ili godinu i pol dana, Ministarstvu ZE-DO Županije i nisam upućen da je došao ikakav odgovor. Ima li ikakva informacija u vezi sanacije tunela, rasvjete, odroni sa plafona a u zadnje vrijeme i sanacija suhih i trulih stabala koji se nalaze i na ulazu a i na izlazu iz tunela.

Nazif Hajrić

4. Kolega Šaban Ibrišimović je na jednoj od prethodnih sjednica pitao da li postoji mogućnost postavljanja rasvjete MZ Striježeva, Radonjići. I ponovo da pitam do kojeg stadija je došao projekat u vezi sa postavljanjem rasvjete i da li će ubrzo biti postavljanje iste?

Nurdin Begović

5. Pitanje postavljeno Službi za prostorno uređenje. Da li je predviđeno čišćenje otpada i svega što je ostalo nakon prošlogodišnjeg požara na stambenom objektu u MZ Vareš Majdan? Ukoliko jeste, kada će takva radnja biti realizovana? Eventualno, postoji li mogućnost preko Civilne zaštite (federalni nivo/koji imaju opciju da rade 2 puta u toku sedmice besplatno) da se izvrši čišćenje ostataka?
6. Pitanje postavljeno Službi za prostorno uređenje. Zašto nam nikada nije dostavljen prijedlog Odluke o parking mjestima kada smo kao Komisija taj posao davno završili? Kada će nam, napokon biti dostavljena Odluka?

Sahudina Beganović

7. Da li postoji mogućnost u ovom ljetnom periodu da se grad opere makar jedan puta mjesečno, da se angažuje čovjek (ime i prezime) Ugovor o djelu, da bude zadužen za održavanje zelenih površina?
8. Predlažem i molim načelnika da iznađe rješenje da i eko policajac kaže koliko je imao intervencija i koliko je djelovao na terenu.

Mirnes Ajanović

9. Iznio primjedbe pojedinih građana u vezi ogrjevnog drveta, uplate zimnica. Zamolio je Općinskog načelnika a i kompetentne prisutne vijećnike za odgovor. Kakva je situacija po pitanju ogrjevnog drveta za građane Vareša?

Vijećnik Asmir Čizmo: Inicijativa je vezana za Inicijativu gosp. Daria Dodik i na vijećničko pitanje gosp. Amele Brkić. Imamo Inicijativu da to bude parking mjesto, a vijećničko pitanje se odnosi na sanaciju postojećeg parkića za djecu. Moja Inicijativa ide u tom pravcu da to bude dječji parkić (za djecu mlađeg uzrasta), koja mu je i prvobitna namjena. (Inicijativu podnio usmenim putem)

Vijećnik Salih Memić: Inicijativa se odnosi na saniranje lokalnog puta na dionici Luke-Kadarići kao i saniranje puta unutar MZ Kadarići. Pored navedenog, u sklopu Inicijative tražim da se kroz naseljeno mjesto izvrši sanacija puta. (Inicijativa podnesena i pisanim putem)

Predsjedavajuća OV stavila je na raspravu Zapisnik sa 16. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 16. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 16. sjednice OV.**

Predsjedavajuća OV stavila je na raspravu prijedlog dnevnog reda za **17. sjednicu OV** koji je usaglašen na Kolegiju Općinskog vijeća.

Nije bilo prijedloga i predsjedavajuća OV stavila je na izjašnjavanje prijedlog dnevnog reda 17. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen sljedeći**

Dnevni red

1. Izvještaj o radu JU "Dom zdravlja" Vareš za 2021. godinu.
Izvjestilac: Direktor JU Dom zdravlja Vareš.
2. Izvještaj o radu JU Centar za socijalni rad Vareš za 2021. godinu.
Izvjestilac: Direktorica JU Centar za socijalni rad Vareš.
3. Izvještaj o radu JU Opća biblioteka Vareš za 2021. godinu.
Izvjestilac: Direktorica JU Opća biblioteka Vareš.

4. Izvještaj o radu i poslovanju JPU „Dječije obdanište Vareš“ u 2021. godini.
Izvjestilac: Direktorica JPU „Dječije obdanište Vareš“.
5. Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.
Izvjestilac: Ermin Musa.
6. Prijedlog Odluke o povjeravanju na upravljanje i korištenje vodovoda pitke vode Pogar Javnom komunalnom preduzeću d.o.o. Vareš.
Izvjestilac: Ermin Musa.
7. Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulicama: Zvijezda S-16, Selište broj 34, Ljevarska S-55, Ljevarska S-22, Ljevarska S-22 i Perunska broj 41.)
Izvjestilac: Ermin Musa.
8. Izvještaj o radu Savjeta mjesnih zajednica sa područja općine Vareš u 2021. godini.
Izvjestilac: Čedomir Jelić.
9. Informacija o realizaciji Strategije razvoja omladinske politike na području općine Vareš za period 2019-2024. godina, za 2021. godinu.
Izvjestilac: Čedomir Jelić.
10. Informacija o provođenju Strategije razvoja kulture, turizma i sporta na području općine Vareš za period 2019-2024. godina, za 2021. godinu.
Izvjestilac: Čedomir Jelić.
11. Informacija o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2021. godinu.
Izvjestilac: Čedomir Jelić.
12. Tekuća pitanja.

Ad. 1.

(Izvještaj o radu JU “Dom zdravlja“ Vareš za 2021. godinu.)

Izvjestilac direktor JU „Dom zdravlja“ Vareš gosp. Fikret Operta u svom obraćanju dao je neka dodatna pojašnjenja za ovu tačku dnevnog reda.

Otvorena je rasprava u kojoj su svoja mišljenja, sugestije i pitanja iznijeli vijećnici: Dario Dodik (*prenio primjedbe određenih građana: dugo čekanje za termin interniste, naručivanje i zakazivanje pregleda*), Emir Islamović (*predložio da se iznađe mogućnost da pacijenti ne čekaju dugo na pregled specijalista*), Maja Berberović (*sugestija da se omogući da se u Varešu može dobiti ljekarsko uvjerenje*), Nurdin Begović (*uz dato pojašnjenje postavio je pitanja u vezi prioriternih terenskih ambulanti i izradi evaluacije*), Amela Brkić (*sugestija da se iznađe mogućnost da prostorije laboratorije budu na nižem spratu zbog starijih i slabo pokretnih pacijenata ili mogućnost ugradnje lifta*).

Direktor Fikret Operta u svom obraćanju izjavio je da su sve primjedbe i pohvale iznesene u raspravi opravdane. Dao je pojašnjenja i odgovore na postavljena pitanja.

U daljnjoj raspravi su učestvovali vijećnik Dario Dodik (replika) i predsjedavajuća Mahira Brkić (*iznijela svoje mišljenje u vezi finansiranja JU „Dom zdravlja“ Vareš od strane Općine i Kantona*).

Zaključena je rasprava i predsjedavajuća OV stavila je na izjašnjavanje Izvještaj o radu JU „Dom zdravlja“ Vareš za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Malik Rizvanović) **prihvaćen**

Izvještaj o radu JU „Dom zdravlja“ za 2021. godinu.

Predsjedavajuća OV upoznala je Vijeće sa Zahtjevom JU „Dom zdravlja“ Vareš, broj: 01-20-1037/22 od 21.06.2022. godine, koji je upućen ZZO ZDK za obezbjeđivanje kombi vozila za prevoz pacijenata od Vareša i Breze do kantonalne bolnice Zenica i nazad.

Direktor Fikret Operta upoznao je prisutne o razlozima potrebe nabavke kombija za pacijente.

Predsjedavajuća OV predložila je i stavila na izjašnjavanje sljedeći

Zaključak:

Općinsko vijeće Vareš u potpunosti podržava Zahtjev JU Dom zdravlja Vareš za kupovinu kombi vozila za prevoz pacijenata od Vareša i Breze do Kantonalne bolnice Zenica i nazad, broj: 01-20-1037/22 od 21.06.2022. godine.

Općinsko vijeće Vareš sugeriše Zavodu zdravstvenog osiguranja Zeničko-dobojskog kantona da u okviru svojih mogućnosti realizuje predmetni Zahtjev.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Salih Memić i Edib Zubača) **usvojen Zaključak.**

Ad. 2.

(Izvještaj o radu JU Centar za socijalni rad Vareš za 2021. godinu.)

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Nedžad Mušanović (*iznio pozitivno mišljenje o radu Javne ustanove*).

Zaključena je rasprava i predsjedavajuća OV stavila je na izjašnjavanje Izvještaj o radu JU Centar za socijalni rad Vareš za 2021. godine.

Nakon izjašnjavanja vijećnika predsjedavajuća OV konstatuje da je **jednoglasno sa 15 glasova „ZA“** (odsutni vijećnici: Mirnes Ajanović, Asmir Čizmo, Edib Zubača i Salih Memić) **prihvaćen**

Izvještaj o radu JU Centar za socijalni rad Vareš za 2021. godinu.

Ad.3.

(Izveštaj o radu JU Opća biblioteka Vareš za 2021. godinu.)

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja i pitanja iznijeli vijećnici: Sahudina Beganović (*skrenula pažnju da javna ustanova još uvijek nema svoj prostor i iznijela je pozitivno mišljenje na rad sa akcentom na „Zavičajnu zbirku“*), Dario Dodik i Maja Berberović (*skrenula pažnju na problem broja i stanja računara u ustanovi*).

Zaključena je rasprava i predsjedavajuća OV stavila je na izjašnjavanje Izveštaj o radu JU Opća biblioteka Vareš za 2021. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“** (odsutni vijećnici Mirnes Ajanović i Asmir Čizmo) **prihvaćen**

Izveštaj o radu JU Opća biblioteka Vareš za 2021. godinu.

Ad.4.

(Izveštaj o radu i poslovanju JPU „Dječije obdanište Vareš“ u 2021. godini.)

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, mišljenja i pitanja iznijeli vijećnici: Nurdin Begović (*postavio pitanja. Šta se trenutno radi u obdaništu u smislu radova, ko su finansijeri i koji su to projekti; šta obdanište mora ispuniti i kojim putem kako bi djeca mogla dobiti usluge ustanove; da li postoji praksa ili način u okolini kako su druge općine to riješile a vezano za otvaranje jaslica*), Emir Islamović (*predložio da se u budžetu općine Vareš za narednu godinu planiraju sredstva za proširenje kapaciteta JPU jer postoji potreba za istim*) i Amela Brkić (*dala je pozitivno mišljenje na rad JPU*).

Direktorica Enisa Musa Cernica u svom obraćanju dala je dodatna pojašnjenja i odgovore na postavljena pitanja, te upoznala prisutne sa određenim aktivnostima JPU.

Zaključena je rasprava i predsjedavajuća OV stavila je na izjašnjavanje Izveštaj o radu JPU „Dječije obdanište Vareš“ za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Mirnes Ajanović i Asmir Čizmo) **prihvaćen**

Izveštaj o radu i poslovanju JPU „Dječije obdanište Vareš“ u 2021. godini.

Predsjedavajuća OV dala je pauzu u trajanju od 15 minuta.
Nastavljeno je sa radom sjednice.

Ad.5.

(Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.)

Komisija za statutarna pitanja i propise na 14. sjednici održanoj 23.06.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš i isti upućuje Vijeću na razmatranje i usvajanje.

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, mišljenja i pitanja iznijeli vijećnici: Igor Hinger (*postavio je pitanja: koliko niša za kontejnere će biti napravljeno i gdje će biti postavljene, da li se ozbiljnije razmišlja o nabavci kontejnera za papir-pored trgovačkih radnji*), Dario Dodik (*zamolio da se jedan kontejner postavi na izlazu sa jezera „Nula“*), Malik Rizvanović (*zamolio da se postave dva kontejnera sa nišom na izletištu „Kiseljak“ u Dabravinama*), Sahudina Beganović (*zamolila da se uz rijeku Stavnju na mjestima koja se koriste kao izletišta postave kante za smeće kao i kod javne česme*), Mirnes Ajanović (*traži od JKP da se isprani kontejner na ulazu u Planinicu*) i predsjedavajuća Mahira Brkić koja je izjavila da se nada da će JKP uvažiti sugestije vijećnika

Pomoćnik načelnika Ermin Musa u svom obraćanju dao je dodatno pojašnjenje i odgovore na postavljena pitanja vijećnika u raspravi.

Zaključena je rasprava i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolaganje opremom za prikupljanje otpada JKP d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojena**

Odluka o povjeravanju na upravljanje i raspolaganje opremom za prikupljanje otpada JKP d.o.o. Vareš .

Ad.6.

(Prijedlog Odluke o povjeravanju na upravljanje i korištenje vodovoda pitke vode Pogor Javnom komunalnom preduzeću d.o.o. Vareš.)

Komisija za statutarna pitanja i propise na 14. sjednici održanoj 23.06.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o povjeravanju na upravljanje i korištenje vodovoda pitke vode Pogor Javnom komunalnom preduzeću d.o.o. Vareš i isti upućuje Vijeću na razmatranje i usvajanje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o povjeravanju na upravljanje i korištenje vodovoda pitke vode Pogar Javnom komunalnom preduzeće d.o.o. Vareš.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojena**

***Odluka o povjeravanju na upravljanje i korištenje
vodovoda pitke vode Pogar Javnom komunalnom preduzeću d.o.o. Vareš***

Ad.7.

***(Prijedlog Odluke o načinu i uslovima raspolaganja nekretninama
u vlasništvu Općine Vareš (stambene jedinice u ulicama: Zvijezda S-16,
Selište broj 34, Ljevarska S-55, Ljevarska S-22, Ljevarska S-22 i Perunska broj 41.)***

Komisija za statutarna pitanja i propise na 14. sjednici održanoj 23.06.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulicama: Zvijezda S-16, Selište broj 34, Ljevarska S-55, Ljevarska S-22, Ljevarska S-22 i Perunska broj 41.) i isti upućuje Vijeću na razmatranje i usvajanje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (stambene jedinice u ulicama: Zvijezda S-16, Selište broj 34, Ljevarska S-55, Ljevarska S-22, Ljevarska S-22 i Perunska broj 41.)

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojena**

***Odluka o načinu i uslovima raspolaganja nekretninama
u vlasništvu Općine Vareš (stambene jedinice u ulicama: Zvijezda S-16,
Selište broj 34, Ljevarska S-55, Ljevarska S-22, Ljevarska S-22 i Perunska broj 41.***

Ad.8.

***(Izveštaj o radu Savjeta mjesnih zajednica
sa područja općine Vareš u 2021. godini.)***

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, prijedloge i pitanja iznijeli vijećnici: Emir Islamović (*nedostaje obrazloženje zašto neke mjesne zajednice nisu dostavile izvještaj, uz pojašnjenje predložio da Vijeće donese zaključak kojim bi se zadužili svi predsjednici mjesnih zajednica koji nemaju otvoren žiro račun, da isti otvore u roku od 30*

dana), Igor Hinger (nadležna Služba da traži informaciju o razlozima zbog kojih četiri mjesne zajednice nisu dostavile Izvještaj, ako te mjesne zajednice ne rade da se eventualno izvrši reizbor), Mahira Brkić (skrenula pažnju na nedostatke u finansijskom izvještavanju pojedinih mjesnih zajednica: sredstva od prihoda za vodu ne treba da stoje u izvještaju, nedostaje početno stanje, određene stavke nisu razdvojene i sl, sugeriše nadležnoj Službi da ovakve izvještaje ne dostavljaju OV, nego da predsjednicima mjesnih zajednica skrenu pažnju i uvažavajući današnje sugestije vratite izvještaje da oni izvrše ispravke prije nego što Izvještaj bude dostavljen OV), Amela Brkić (traži pojašnjenje za „sredstva od pravnih lica 7.080 KM“ navedena u izvještaju MZ Budoželje)

Ispred predlagача pomoćnik načelnika Čedomir Jelić u svom obraćanju dao je određena pojašnjenja i odgovore. Izjavio je da podržava iznesene sugestije i predloženi zaključak vijećnika Islamović Emira.

Zaključena je rasprava i predsjedavajuća OV predložila je i stavila na izjašnjavanje sljedeće

Zaključke:

- 1. Zadužuju se predsjednici mjesnih zajednica koji nemaju otvoren žiro račun, da u roku od mjesec dana isti otvore.**
- 2. Zadužuje se Služba za opću upravu, društvene djelatnosti i BiZ da ubuduće prije slijedećeg izvještajnog perioda o radu Savjeta MZ, u saradnji sa Službom za privredu, finansije i trezor izradi urneke Izvještaja (taksativno odvajanje rashoda po kontima i podkontima) i isti dostavi svakoj mjesnoj zajednici i da se isključivo moraju pridržavati tog urneka prilikom izvještavanja.**
- 3. Da Služba za opću upravu, društvene djelatnosti i BiZ ubuduće prilikom izrade i dostavljanja Izvještaja o radu Savjeta mjesnih zajednica na području općine Vareš, Izvještaj dostavi OV kao jednu tačku dnevnog reda, ali sa podtačkama za svaku mjesnu zajednicu posebno.**

Nakon izjašnjavanja vijećnika predsjedavajuća OV konstatuje da su **jednoglasno sa 19 glasova „ZA“ usvojeni predloženi Zaključci.**

U daljnjoj raspravi su učestvovali vijećnici. Igor Hinger, Mahira Brkić, Nikola Šimić i Zdenko Franjić.

Predsjedavajuća OV konstatuje da Vijeće očekuje od Službe za opću upravu, društvene djelatnosti i BiZ da uvažavajući sve današnje prijedloge, sugestije i pitanja iznesena u raspravi, iznađe najbolji mogući modus na koji način će Vijeće dobiti sve ono na šta su skrenuli pažnju i na koji način će se pružiti podrška predsjednicima mjesnih zajednica.

Predsjedavajuća OV stavila je na izjašnjavanje Izvještaj o radu Savjeta mjesnih zajednica na području općine Vareš u 2021. godini.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen**

***Izvještaj o radu Savjeta mjesnih zajednica
na području općine Vareš u 2021. godini.***

Ad.9.

(Informacija o realizaciji Strategije razvoja omladinske politike na području općine Vareš za period 2019-2024. godina, za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje primjedbe, mišljenja i pitanja iznijeli vijećnici: Igor Hinger (primjedba zašto u Informaciji nisu spomenuta udruženja - OI „Zvijezda Vareš“ i „Moja prva nota“, a neke neaktivne su spomenute), Amela Brkić (*skrenula pažnju na šturu podatke o uspjesima karate kluba*), Sahudina Beganović (*skrenula pažnju na BZK „Preporod Vareš“ i njihove aktivnosti, nisu spomenuti u Informaciji*) i Maja Berberović (*iznijela primjedbu da je informacija štura*).

Ispred predlagača pomoćnik načelnika Čedomir Jelić u svom obraćanju dao je određena pojašnjenja u vezi izrade Informacije i subjektima koji su učestvovali u njoj izradi i izradi Strategije o omladinskoj politici. Izjavio da se generalno slaže sa iznesenim primjedbama vijećnika u raspravi.

U daljnjoj raspravi su učestvovali vijećnici: Amela Brkić (*replika-15 nekvalifikovanih osoba*), Maja Berberović (*uz dato pojašnjenje skrenula pažnju na potrebu izmjena i dopuna Strategije*), Nurdin Begović (*skrenuo pažnju na stavke navedene u Strategiji „vrlo hite i vrlo bitne“*) i Mahira Brkić (*uz dato pojašnjenje sugerise da ovakve informacije trebaju biti detaljnije sa što više podataka*).

Predsjedavajuća OV na osnovu diskusije, predložila je i stavila na izjašnjavanje sljedeći

Zaključak:

Zadužuje se Služba za opću upravu, društvene djelatnosti i BiZ da sve sugestije iznesene u raspravi, uvrste u Informaciju o realizaciji Strategije razvoja omladinske politike na području općine Vareš za period 2019-2024. za 2021. godinu i da se takva Informacija na znanje dostavi Vijeću u materijalu za slijedeću sjednicu OV.

Nakon izjašnjavanja vijećnika predsjedavajuća OV konstatuje da je **jednoglasno sa 15 glasova „ZA“** (odsutni vijećnici: Emir Islamović, Malik Rizvanović, Edib Zubača i Salih Memić) **usvojen predloženi Zaključak.**

Predsjedavajuća OV konstatuje uz Zaključak da je Vijeće **primilo k znanju**

Informaciju o realizaciji Strategije razvoja omladinske politike na području općine Vareš za period 2019-2024. godina, za 2021. godinu.

Ad.10.

(Informacija o provođenju Strategije razvoja kulture, turizma i sporta na području općine Vareš za period 2019-2024. godina, za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje primjedbe, mišljenja i pitanja iznijeli vijećnici: Igor Hinger (*primjedbe-nisu spomenuta određena udruženja u informaciji OI „Zvijezda“ Vareš, „Moja prva nota i drugi, pitanje- da li postoji i da li je aktivna šahovska sekcija*), Dario Dodik (*mišljenja je da se treba pristupiti reviziji Strategije, uz dato pojašnjenje traži što veću suradnju „Turist infa“ sa turističkim djelatnicima*) i Maja Berberović (*uz dato pojašnjenje sugerije da se navedeni podaci u informacijama za određene klubove usklade*).

Ispred predlagача pomoćnik načelnika Čedomir Jelić u svom obraćanju dao je određena pojašnjenja i izjavio da se slaže sa iznesenim primjedbama i prijedlozima vijećnika iznesenim u raspravi.

U daljnjoj raspravi su učestvovali vijećnica Amela Brkić (*uz dato pojašnjenje postavila pitanje u vezi streljačke sekcije*) i predsjedavajuća OV Mahira Brkić (*u ime Vijeća sugerisala je pomoćniku načelnika Čedomiru Jeliću da prenese svima onima koji rade na izradi ove Informacije da u vijećničkim klupama ne sjede maloumnici ni neko ko je trčao za mandatom, neko ko ne čita materijale. Vijećnici su tu da čitaju materijale i nalaze rješenja za određene probleme i neće više tolerisati ovakve materijale.*)

Predsjedavajuća OV na osnovu diskusije, predložila je i stavila na izjašnjavanje sljedeći

Zaključak:

Zadužuje se služba za opću upravu, društvene djelatnosti i BiZ da se na osnovu rasprave u kojoj su iznesene greške i ispravke, iste realizuju, a iznesene sugestije uvrste u Informaciju o provođenju Strategije razvoja kulture, turizma i sporta na području općine Vareš za period 2019.-2024. za 2021 god. i da se takva Informacija na znanje dostavi Vijeću u materijalu za slijedeću sjednicu OV.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

Predsjedavajuća OV konstatuje uz Zaključak da je Vijeće **primilo k znanju**

Informaciju o provođenju Strategije razvoja kulture, turizma i sporta na području općine Vareš za period 2019-2024. godina, za 2021. godinu.

Ad.11.

(Informacija o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2021. godinu.)

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje primjedbe, mišljenja i sugestije iznijeli vijećnici: Amela Brkić (*skrenula pažnju na potrebu projekata za druženje starijih osoba i osoba sa invaliditetom*) i Igor Hinger (*uz dato pojašnjenje sugerisao da Strategija mora uvrstiti svu djecu koja žive na selu*).

Ispred predlagača pomoćnik načelnika Čedomir Jelić u svom obraćanju podsjetio je prisutne da je i ova Informacija prilikom izrade, rađena na osnovu Strategije. Informacija je rađena u suradnji sa JU Centar za socijalni rada Vareš.

U daljnjoj raspravi su učestvovali vijećnici: Sahudina Beganović (*uz dato pojašnjenje skrenula pažnju na potrebe starijih osoba i potrebu za izmjenama Strategije*) i Emir Islamović (*iznio mišljenje da su za realizaciju strategija, finansijska sredstva suštinski problem, u informacija nedostaje podatak koliko je procentualno realizovana Strategija*)

Predsjedavajuća OV je na osnovu diskusije vijećnika predložila i stavila na izjašnjavanje sljedeći

Zaključak:

- Zadužuje se služba za opću upravu, društvene djelatnosti i BiZ da pristupi izmjenama i dopunama sve tri Strategije koje su bile na dnevnom redu 17. sjednice OV do kraja godine i iste dostavi Vijeću na razmatranje.

- 1. Strategija razvoja omladinske politike na području općine Vareš za period 2019.-2024. godine.**
- 2. Strategija razvoja kulture, turizma i sporta na području općine Vareš za period 2019.-2024. godine.**
- 3. Strategija razvoja i unapređenja socijalne zaštite na području općine Vareš za period 2019.-2024. godine.)**

Nakon izjašnjavanja vijećnika predsjedavajuća OV konstatuje da **je jednoglasno sa 17 glasova „ZA“** (odsutni vijećnici Asmir Čizmo i Maja Berberović) **usvojen predloženi Zaključak.**

Predsjedavajuća OV konstatuje uz Zaključak da je Vijeće **primilo k znanju**

Informaciju o provođenju Strategije razvoja i unapređenja socijalne zaštite na području općine Vareš za period 2019-2024. godina, za 2021. godinu.

Ad.12. (Tekuća pitanja.)

Predsjedavajuća OV upoznala je prisutne sa pristiglom poštom i to.

- 1. Službena zabilješka komunalno-građevinskog inspektora broj: 02/3-1251/22 od 09.06.2022. godine, dostavljena na osnovu zaključka Vijeća sa 16. sjednice OV u vezi označavanja ruševnog objekta u ulici Nikovac. (Vijeću na znanje)**
- 2. Odgovor po Zahtjevu za očitovanje, broj 02/3-1732/22 od 29.06.2022. godine dostavljen od Službe za prostorno uređenje i Mišljenje broj: M-8/22 od 09.06.2022. godine dostavljeno od Zajedničkog općinskog pravobranilaštva, a sve u vezi Zahtjeva za priznavanje vlasništva od Zorana Lučića. (Vijeću na znanje)**
- 3. Dostava zahtjeva na odgovor i traženje podataka, broj: U-21/22 od 10.06.2022. godine dostavljena od Ustavnog suda BiH (Odluka o općinskim komunalnima taksama (prečišćeni tekst) broj: 01-188/16 od 29.12.2016. godine. (Općina Vareš**

traženo je dostavila Ustavnom sudu, broj dopisa: 02-1213/22 od 16.06.2022. godine.).

4. Predsjedavajuća OV uz dato obrazloženje podnijela je Inicijativu za izgradnju saobraćajne signalizacije (semafora) u ulici Put mira, a na Zahtjev auto škola: Balta Travel, Pazo i Nordbat 2.

(Inicijativu uputiti Službi za prostorno uređenje da se po istoj očituje do naredne sjednice OV).

5. Vijećnica Amela Brkić podnijela je Inicijativu za omogućavanje i organizaciju povremenih posjeta specijaliste logopeda na području općine Vareš, sukladno zakonu i predviđenim zakonskim i zdravstvenim propisima i mjerama, kontrolirano od strane institucija koje su eventualno nadležne za organiziranje svih neophodnih potrebnih radnji za neometani rad specijaliste. (Inicijativu uputiti Ministarstvu zdravstva ZDK).

Predsjedavajuća OV u ime Vijeća i svoje lično ime uputila je čestitku svim vjernicima islamske vjeroispovijedi predstojeći Kurban Bajram.

Sastavni dio ovog Zapisnika je audio zapis sjednice.

Sjednica je završena u 18.50 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVAJUĆA
OPĆINSKOG VIJEĆA***

Mahira Brkić